





釋摩訶衍論卷第七

卷七

純如



釋摩訶衍論卷第七

龍樹菩薩造

已說對治邪執正解門次說分別發趣道相
門本曰

分別發趣道相者謂一切諸佛所證之道一
切菩薩發心修行趣向義故畧說發心有二



初日

種云何爲三。一者信成就發心。二者解行發
心。三者證發心。信成就發心者。依何等人修
何等行。得信成就。堪能發心。所謂依不足聚
衆生。有熏習善根力。故信業果報。能起十善。
厭生死苦。欲求無上菩提。得值諸佛。親承供
養。修行信心。經一萬劫。信心成就。故諸佛菩

薩敎令發心。或以大悲。故能自發心。或因正
法欲滅。以護法。因緣能自發心。如是信心成
就得發心者。入正定。聚畢竟不退名。住如來
種中。正因相應。若有衆生。善根微少。久遠已
來煩惱深厚。雖值於佛。亦得供養。然起人天
種子。或起二乘種子。設有未來大衆者。根則不

定若進若退或有供養諸佛未遑一萬劫於
中遇緣亦有發心所謂見佛色相而發其心
或因供養衆僧而發其心或因二衆之人教
令發心或學他發心如是等發心悉皆不定
遇惡因緣或便退失墮二乘地復次信成就
發心者發何等心畧說有三種云何爲三

者直心正念真如法故二者深心樂集一切
諸善行故三者大悲心欲拔一切衆生苦故
問曰上說法界一相佛體無二何故不唯念
真如復假求學諸善之行答曰譬如大摩尼
寶體性明淨而有鑛穢之垢若人雖念寶性
不以方便種種磨鍊終無得淨如是衆生真

如之法體性空淨而有無量煩惱染垢若人
雖念真如不以方便種種修習亦無得淨以
垢無量無邊遍一切法修一切善行以爲對
治若人修行一切善法自然歸順真如法故
畧說方便有四種云何爲四一者行根本方
便謂觀一切法自性無生離於妄見不住生

死觀一切法因緣和合業果不失起於大悲
修諸福德攝化衆生不住涅槃以隨順法性
無住故二者能止方便謂慚愧悔過能止一
切惡不令增長以隨順法性離諸過故三者
發起善根增長方便謂懃供養禮拜三寶讚
歎隨喜勸請諸佛以發敬三寶淳厚心故信

得增長乃能志求無上之道又因佛法僧力
所護故能消業障善根不退以隨順法性離
癡障故四者大願平等方便所謂發願盡於
未來化度一切衆生使無有餘皆令畢竟無
餘涅槃以隨順法性無斷絕故法性廣大遍
一切衆生平等無二不念彼此究竟寂滅故

菩薩發是心故則得少分見於法身以見法
身故隨其願力能現八種利益衆生所謂從
兜率天退入胎注胎出胎出家成道轉法輪
入於涅槃然是菩薩未名法身以其過去無
量世來有漏之業未能決斷隨其所生與微
細若相應亦非業繫以有大願自在力故如

修多羅中或說有退隨惡趣者非其安退但
爲初學菩薩未入正位而懈怠者恐怖勇猛
故又是菩薩一發心後遠離怯弱畢竟不畏
隨二乘地若聞無量無邊阿僧祇劫勤苦難
行乃得涅槃亦不怯弱以信知一切法從本
已來自涅槃故解行發心者當知轉勝以是

菩薩從初正信已來於第一阿僧祇劫將欲
滿故於真如法中深解現前所修離相以知
法性體無慳貪故隨順修持檀波羅蜜以知
法性無染離五欲過故隨順修行尸羅波羅
蜜以知法性無苦離嗔惱故隨順修行羼提
波羅蜜以知法性無身心相離懈怠故隨順

修行毘梨耶波羅蜜以知法性常足體無亂
故隨順修行禪波羅蜜以知法性體明離無
明故隨順修行般若波羅蜜證發心者從淨
心地乃至菩薩究竟地證何境界所謂真如
以依轉識說為境界而此證者無有境界唯
真如智名為法身是菩薩於一念頃能至十

方無餘世眾供養諸佛請轉法輪唯為開導
利益眾生不依文字或示超地速成正覺以
為怯弱眾生故或說我於無量阿僧祇劫當
成佛道以為懈慢眾生故能示如是無數方
便不可思議而實菩薩種性根等發心則等
所證亦等無有超過之法以一切菩薩皆經

十日

三阿僧祇劫故但隨衆生世界不同有所見
聞根欲性異故示所行亦有差別又是菩薩
發心相者有三種心微細之相云何爲三一
者真心無分別故二者方便心自然遍行利
衆生故三者業識心微細起滅故又是菩薩
功德成滿於色究竟處示一切世間最廣大

論二

四

身謂以三念相應惠無明頓盡名一切種智
自然而有不思議業能現十方利益衆生問
曰虛空無邊故世界無邊世界無邊故衆生
無邊衆生無邊故心行差別亦復無邊如是
境界不可分齊難知難解若無明斷無有心
相云何能了名一切種智答曰一切境界本

來^カ一心^ニ離^レ於^リ想^シ念^ス以^テ衆生妄見^ル境界^ヲ故^ニ心^ニ有^リ
分齊^ヲ以^テ妄起^ル想^シ念^ス不^レ稱^ハ法性^ヲ故^ニ不^レ能^ハ了^ス知^ル諸^ノ
佛如來離^レ於^リ見^ス想^ス無^レ所^ニ不^レ遍^セ心真實^{ナル}故^ニ即^チ是^レ
諸法之性自體顯照^ス一切妄法有大智用無
量方便隨^テ諸衆生所應得^ル解^ヲ皆能開^キ示^ス種種^ノ
法義是故得^ル名^ニ一切種智^ト又問^フ曰^ク若^シ諸佛有^テ

自然業能現^シ一切處利益衆生者一切衆生
若^ハ見^ス其身若^ハ觀^ス神變若^ハ聞^ス其說無^レ不^レ得利^ヲ云
何世間多^ク不^レ能^ハ見^ル答^フ曰^ク諸佛如來法身平等
遍^シ一切處無有作意故說^フ自然但依^テ衆生心^ニ
現衆生心者猶如於鏡鏡若有垢色像不現^セ
如是衆生心若有垢法身不現^セ故^ニ

論曰即此文中有二門云何爲二一者惣
標惣說門二者別釋散說門是名爲二第二
門中自有三門云何爲三一者三種發心分
割門二者發起問答決疑門三者因論生論
問答門是名爲三說相可觀言惣標惣說門
者爲欲顯示即此分別發趣道相門中無量

無邊三世諸佛所攝願海所行因海所證果
海所化徒海無量無邊三世一切諸菩薩衆
如是如是如如隨踐順行應轉如其次第不
起數量不過位地趣入義故復次爲欲顯示
如一切佛無趣向則一切菩薩於彼無有趣
向則中如如行故如本分別發趣道相者謂

一切諸佛所證之道一切菩薩發心修行趣
向義故已說惣標惣說門次說別釋散說門
此中三門如其次第應審思擇就第一三種
發心分割門中即有三種故自有三種門云
何爲三一者信成就發心門二者解行發心
門三者證得發心門是名爲三如本畧說發
心有三種云何爲三一者信成就發心二者
解行發心三者證發心故就初門中即有三
門云何爲三一者發起開問惣標門二者顯
示答釋廣說門三者發起開答決疑門是名
爲三第一二門有三種重應審觀察就第一
發起門問惣標門中即有四意云何爲四一

者假者意問能修人故二者行相意問所修
行故三者自分意問得成就故四者向上意
問勝進相故是名爲四如本信成就發心者
依何等人修何等行得信成就堪能發心故
已說發起問問總標門次說顯示答釋廣說
門就此門中即有三門云何爲三二者隨問

次第答釋門二者舉劣顯勝生解門是名爲
三就隨問次第答釋門中即有六門云何爲
六一者顯示修行假者門二者自然本有熏
習門三者顯示修行功德門四者信心成就
時量門五者顯示發心因緣門六者顯示得
盡位勝門是名爲六言顯示修行假者門者

謂雖所化衆生無量無邊而今此處中且取
不定聚攝十信衆生故所以者何爲欲令使
化不定聚三品衆生十種信心具足成就決
定安立十住菩薩初發心住金剛不變之位
中故如本所謂依不定聚衆生故言自然本
有熏習門者謂如是衆生相續中從無始世

來常有本覺藏佛衆生善根常恒熏習令增
長故如本有熏習善根力故故言顯示修行
功德門者謂不定聚種種衆生信因業果報
似有不空因緣和合之道理故知十惡過失
起不應作意觀十善功德起當應作意厭繫
縛地求解脫域漸漸出離向善提故如本信

業果報能起十善狀生死苦欲求無上菩提
得值諸佛親承供養修行信心故言信心成
就時量門者謂顯示其信心成就時節遠近
差別相故即此門中十五契經各各異說云
何名爲十五異說一者一切諸法目錄無主
契經中作如是說余時文殊師利即白佛言

尊者從具縛地入不定聚一切行者經幾時
節十種信心具足成就漸漸轉勝定不退位
於是尊者告文殊師利言善男子諦聽諦聽
善思念之我當爲汝解說信成時節分際善
男子一切行者從具縛地入不定聚經一萬
三千劫已訖即便成就十種信心決定菩薩

初發心住二者攝無量大衆契經中作如是
說復次佛子信地假名菩薩六万四千劫量
已滿即便成就十愛樂心足金剛地三者惠
明陀羅尼契經中作如是說不足聚衆生多
經八万一千五十劫已訖信心成就決定不
退四者法門名字契經中作如是說復次信
樂地位毛頭凡夫經二万六千劫已訖便信
成就無所闕失五者清淨三昧契經中作如
是說若有衆生入難角地修行信心當九万
劫滿足已訖信品成就六者金剛陀羅尼契
經中作如是說信成就量四万八千六十劫
量七者大智惠光明契經中作如是說復次

善男子若有衆生爲教成就功德善報父母
天地當經十剎那量已訖即便信地平坦無
章八者實相本際決定不動契經中作如是
說信位成就信心發起初剎那中十種信心
具足圓滿九者文殊師利圓滿因海大惣持
契經中作如是說三阿僧祇大無量劫經過

三日

已訖即便信位具足成立十者甚深菩提因
緣契經中作如是說建立信地唯三万劫十
一者大方便智善巧契經中作如是說信行
菩薩九千劫量決定成就清淨信心其思極
樂十二者菩薩光明遍照契經中作如是說
尔時金剛惠菩薩摩訶薩即白佛言世尊無

上菩提初種子地經幾時節決定淳熟菩提
之牙出生增長佛言若為成就初種子地當
經七萬五千六十劫初種子地具足建立十
三者授記平等契經中作如是說信心成就
非遠非近非無非有非高非下非本非末非
去非來非大非小非三世非非三世非位非
地非善非惡非是非非是言諸道斷心行處
滅是故名為真實信心十四者如來藏本識
契經中作如是說余時地藏菩薩摩訶薩即
白佛言世尊云何名為廣大圓滿功德父母
信地品耶佛言十信十信十解十信十行十
信十向十信十地十信佛地十信乃至具縛

起種子地及一切二乘皆悉十信無量無邊
一切諸法無一一法而非十信以此義故名
為廣大圓滿信地十五者菩薩瓔珞大本業
契經中作如是說信相菩薩於十劫行十
戒法決定安立信成就處是名十五異說契
經如是諸經以何義故如是差別謂衆生心

論二

凡

無量無邊各差別故隨其心品說信行相如
是不同應審思擇今此文中和依本業解釋
而已如本經一萬劫信心成就故言顯示
發心因緣門者謂已信心成就行者為發
起第一住心當待緣力而發起故於此文中
引有三種云何為三一者勤讀因緣二者發

度因緣三者護法因緣是名爲三言勸請因緣者所謂無量無邊一切諸佛及大菩薩衆出現種種勝妙教法契經之海信位行者勸請教化超不定地決定安立不動域故如本諸佛菩薩教令發心故言救度因緣者所謂緣無量無邊種種衆生之一切苦海以之爲

因發起金剛不退廣大清淨大慈悲心故如本或以大悲故能自發心故言護法因緣者所謂諸佛教法欲破滅時以種種方便隨宜隨應隨當隨時隨處不惜身命救護佛法大因緣之力故自能發起金剛不退廣大清淨大信心故如本或因正法欲滅以護法因

緣能自強心故言顯示得益位勝門者所謂
信成就得解行者具足十名無退失故云何
爲十二者名爲無憂惱人遠離退還墮於凡
夫縛煩惱地怖畏心故二者名爲大富貴人
蠲除煩惱之荒穢收攝沮禁之菓故三者名
爲種性高勝人遠離凡夫之下劣種已入如

論七

十

來尊高種性中故四者名爲手足具人執般
若炬遊行法界廣大庭故五者名爲作大江
水人無尋直流入薩婆若之大海中故六者
名爲宮殿建立人已超不足決定安住如來
氣中故七者名爲真實佛子人遠離凡胎已
入聖胎故八者名爲大福田人出離煩惱攝

清淨故九者名爲徒衆無量人法界衆生皆
悉以爲自眷屬故十者名爲無障碍人隨心
轉故是名爲十如本如是信心成就得發心
者入正定聚畢竟不退名住如來種子中正因
相應故已說隨問次第答釋門次說舉劣顯
勝生解門就此門中即有二門云何爲二一
者舉劣顯劣形相門二者舉勝顯勝形相門
是名爲二言舉劣顯劣形相門者所謂善根
微薄煩惱深厚凡夫衆生雖值摩訶衍之因
緣而起小善根種子故如本若有衆生善根
微少久遠已來煩惱深厚雖值於佛亦得供
養然起人天種子或起二乘種子故言舉勝

顯勝形顯門者所謂若有眾生來摩訶衍之
甚深微妙法門其心即便不能決定值願因
緣覺心若進退過因緣自然若退無定心故
如本設有求大乘者根則不定若進若退故
若不能定云何名為勝高人耶雖不能定而
所望法極勝高故復決定起天人二乘之種

子故自此已下顯示信心成就在定時解
十四經之大意焉所謂若有眾生供養諸佛
信心成就其時不定或極極遠或極極近或
中間故所以者何隨緣有無信發生故如本
或有供養諸佛未過一萬劫於中遇緣亦有
信心故自此已下造作別釋顯示發心因緣

之相於此文中有四種發心因緣云何爲
四一者見佛因緣目見如來妙色之身而能
發起廣大心故如本所謂見佛色相而發其
心故二者供僧目緣以種種具供養衆僧目
此目緣而能發起廣大心故如本或目供養
衆僧而發其心故三者慚愧目緣見聞二衆

之人教法慚愧其劣目此目緣而能發起廣
大心故如本或目二衆之人教令發心故四
者隨兼目緣隨他兼心目此目緣而能發起
廣大心故如本或學他發心故是名爲四自
此已下作其目緣顯示十種信心不足聚形
相及總結前所說之十信決釋分焉以何義

上日

故十種信品立不定辨所謂若值順當因緣
隨向善趣若遇逆違因緣應趣惡道譬如輕
毛隨風所吹東西轉故如本如是等發心悉
皆不定遇惡因緣或便退失墮二乘地故已
就第一重二種門次說第二重二種門言復
次信成就發心者發何等心者即是發起關

論七

上二

開惣標門謂發開問惣問所為故略說有三
種者即是惣標惣答等歟云何為三者即是
惣舉惣問等歟自此已下直顯顯示答釋廣
說門就此門中即有三種云何為三一者正
智方便門二者福德具足門三者安樂成就
門是名為三於此三中初通二利中唯自利

後唯利他復次初二唯自利分後一利他復
次三皆通二故皆悉各各具足標釋應審思
擇言正智方便門者直心爲正體智有作方
便故如本一者直心正念真如法故故言福
德具足門者深心爲一切功德有住方便故
如本二者深心樂集一切諸善行故故言安

樂成就門者悲心能善救度一切衆生無量
苦惱令得安穩廣大樂故如本三者大悲心
欲拔一切衆生苦故故已說第二重二種門
次說發起問答決疑門就此門中即有二門
云何爲二一者前後相違難問門二者開通
會釋消難門是名爲二言前後相違難問門

者謂舉上下之二文相違難其義別相故云
何相違謂上文中作如是說所言覺義者謂
心體離念相離念相者等虛空界無所不遍
法界一相即是如來平等法身依此法身說
名本覺於下文中作如是說二者深心樂集
一切諸善行故上下二文如是相違是故發

論二

トニ

問難其異相應審思擇已說前後相違難問
門次說開通會釋消難門就此門中即有七
門云何爲七一者正答決斷彼難門二者修
善行者得益門三者修行善巧方便門四者
顯示發心功德門五者簡擇上下顯異門六
者通契經文決疑門七者讚歎發心功德門

是名爲七就初門中即有三門云何爲三二
者開示譬喻善巧門二者合說契當安立門
三者顯示法說生解門是名爲三就譬喻門
中即有四種云何爲四一者寶喻二者性淨
喻三者垢染喻四者人衆喻是名爲四言寶
喻者謂即大摩尼珠之寶如是珠寶當有何

處如是珠寶當有黃石如是珠寶其色如何
謂深黃色其身形相當如何那謂如方坐無
長短故大小之相其量云何謂一丈故如是
珠寶諸黃石中皆悉具足無有黃石而無摩
尼其止住相次第如何謂第一珠第二黃金
第三石體此摩尼珠一丈量者彼諸黃石或

有極小或有極大各各差別豈可得言皆遍
一切此摩尼珠有殊勝力雖一丈量過於大
中小中無餘無所障碍亦可得說遍一切處
於彼石中有此寶故其石色黃應審觀察是
名寶喻如本卷曰譬如大摩尼寶故言性淨
喻者如是珠寶其體性甚極明白遠離塵累

論七

七

故是名爲性淨喻如本體性明白故言垢染
喻者如是珠寶能爲金石等之所障不能出
現明白相故是名爲顯染喻如本而有鑲穢
之垢故言人衆喻者謂極窮貧極懈怠故不
求寶人并及精進樂求寶人故是名爲人衆
喻如本若人雖念寶性不以方便擅種磨鍊

終無得淨故已說開示譬喻善巧門次說合

說契當安立門寶喻中言大摩尼珠者當喻

何法喻本覺佛性故所以者何本覺佛性隨

藏衆生相續身中似彼珠故言黃石者當喻

何法喻一切衆生相續故所以者何諸衆生

身藏畏佛性似彼石故言色黃者當喻何法

喻彼佛性不變義故所以者何真如佛性堅

固不改似彼金故言如方坐無長短者當喻

何法喻真如法平等無增減故所以者何此

真如法一味平等無有差別似彼坐故言一

丈者當喻何法喻真如法具足圓滿無闕失

故所以者何真如法身具足萬德無所闕失

似彼大故言如是珠寶諸黃石中皆悉具足
無有黃石而無摩尼者當喻何法喻真如性
遍諸衆生種種身中無有衆生而無真如本
覺性故所以者何此真如性離不遍過似彼
珠故言第一珠第二黃金第三石體者當喻
何法喻俱有次第法漸漸現故所以者何

從本覺智流轉建立四相海時如其次第漸
漸現似彼三故言此摩尼珠有殊勝力雖
一丈量遍於大中小中無餘者當喻何法
真如本覺有不思議業遍救龍等小大身中
無妨難故所以者何此真如法其性平等遍
凡聖中似彼珠故言於彼石中有此寶故其

石色黃者當喻何法喻諸衆生悉有本覺在
心相故所以者何一切衆生有覺心故有了
別識似彼石故已說實喻合說契當門次說
淨喻合說契當門言如是珠寶其體性甚極
明白遠離塵累者當喻何法喻性淨本覺清
淨明白離垢故已說淨喻合說契當門次說

總喻合說契當門言如是珠寶能爲金石
之所障不能出現明白相者當喻何法喻
性清淨心爲無明之所隱覆不能出現無漏
性德故已說總喻合說契當門次說人喻合
說契當門言二種人者當喻何法喻來佛法
寶極精進人極懈怠人故如本如是衆生故

已說合說契當安立門次說顯示法說生解
門於此門中如其次第法說合喻生行者解
應審思釋文相明故不須別釋如本真如之
法體性空淨而有無量煩惱染垢若人雖念
真如不以方便種種修習亦無得淨以垢盡
量無邊遍一切法修一切善行以爲對治故

已說正若次辨彼難門次說修善行者得益
門謂若有眾生斷一切惡修一切善自然自
在得真如珠照達無明之闇夜無所疑畏故
如本若人修行一切善法自然歸順真如法
故故已說修善行者得益門次說修行善巧
方便門就此門中故有四門云何爲四一者

一切修行根本門二者制伏惡業不生門三
者出生善根增長門四者擔願無違平等門
是名爲四如本畧說方便有四種故就第一
門中即有二門云何爲二一者般若成就無
住門二者大悲成就無住門是名爲二言般
若成就無住門者所謂觀察一切諸法從本

已來不生不滅畢竟寂滅者無所有不住生
死故如本云何爲四一者行根本方便謂觀
一切法自性無生離於妄見不住生死故言
大悲成就無住門者所謂觀察一切諸法曰
緣和合故曰果不空業報亦有緣無量無邊
衆生界之海爲究竟取攝不住涅槃故如本

觀一切法因緣和合業果不失起於大悲修
諸福德攝化衆生不住涅槃故以隨順法性
無住故者即是示緣及結兩種不住道修行
行法門雖無有量而不住道其最根本是故
說言行根本方便焉已說一切修行根本門
次說制伏惡業不生門此門爲明何義爲欲

顯示行者當發起慚愧等清淨心品防止一
切無量惡作漸漸損減不令增長故如本二
者能止方便謂慚愧悔過能止一切惡不令
增長故以隨順法性離諸過故者愈結其緣
已說制伏惡業不生門次說增長善根增長
門此門爲明何義爲欲顯示行者當一切三

寶恭敬供養禮拜讚歎隨喜勸請增長信心
消除業障志求無上大菩提故如本三者發
起善根增長方便謂勤供養禮拜三寶讚歎
隨喜勸請諸佛以愛敬三寶淳厚心故信得
增長乃能志求無上之道又曰佛法僧力所
護故能消業障善根不退故以隨順法性離
癡障故者惣結其緣已說出生善根增長門
次說指願無邊平等門此門爲明何義爲欲
顯示行者當發起十方世界之塵數廣大擔
願海修習十方世界之塵數行因海攝取十
方世界之塵數衆生海成就十方世界之塵
數果滿海一切皆悉無有餘故如本四者六

願平等方便所謂發願盡於未來化度一切
衆生使無有餘皆令究竟無餘涅槃故以隨
順法性無斷絕故者總結其緣自此已下顯
示隨順殊勝之相以何義故四門結中皆悉
通名隨順法性爲欲顯示法性虛空其體性
廣大圓滿無有邊際其相用無尋自在無有

始終修彼四門一切行者亦復如是願願如
如其阿世耶廣大圓滿無分際故如本法性
廣大遍一切衆生平等無二不念彼此究竟
安滅故故已說修行善巧方便門次說顯示
發心功德門此文爲明何義爲欲顯示初發
心住菩薩起隨順法界性中廣大圓滿心故

相似觀智見法性身見法性身故願力自在
願力故緣無量無邊法界之衆生而起大
悲心由大悲心極甚深故出現八種安樂化
相隨時隨處隨宜隨應順順如如利益安樂
故如本菩薩發是心故則得少分見於法身
以見法身故隨其願力能現八種利益衆生
所謂從兜率天退入胎住胎出胎出家成道
轉法輪入於涅槃故已說顯示發心功德門
次說簡擇上下顯異門就此門中即有二門
云何爲二一者簡異地上門二者簡異具縛
門是名爲二言簡異地上門者謂發心住菩
薩唯名幻化影相身不得名真如法身菩薩

故所以者何此菩薩無始餘業猶未出離隨
受生處與微細苦相應不離地上菩薩此相
違故如本然是菩薩未名法身以其過去無
量世來有漏之業未能決斷隨其所生與微
細苦相應故故言簡異具縛門者所謂初重
心住菩薩無縛縛俱轉業曰相無繫縛受生

論七

果報故所以者何大願方便具足轉故如本
亦非業繫以有大願自在力故故已說簡擇
上下顯異門次說通契經文決疑門就此門
中自有五種各說契經云何爲五一者文殊
師利歡喜陀羅尼契經中作如是說余時文
殊師利即白佛言世尊常大衆中唱如是言

五十種子心莊嚴果海行目之本一切行著

當經此道成等正覺如是五十種子心中幾

是退分幾是定分唯願世尊為我解說於是

世尊即告文殊師利菩薩言諦聽諦聽善思

念之我今為汝分別解說善男子十種真地

名為金剛般若住地前十心名為頗梨珠

隨轉迴向地汝當應如是知應如是觀今此

經文為明何義為欲顯示大士十地已真證

城名不退分自此已前四十種心未得證智

名為退分故二者本覺大悲自然熏習契經

中作如是說復次佛子汝前所問云何名為

不退相者此事殊勝不思議中不思議故思

癡凡夫初發意菩薩等之所不能知今時大
明菩薩至心勸請佛即告大明言善男子言
節退相者謂信心發心住淨心地金剛心之
此四處皆名爲退分各彼中間皆名爲不退
分是故說言節退相焉今此經文爲明何義
爲欲顯示佛法大海廣大圓滿無邊際故三

論二

二

者大證得陀羅尼契經中作如是說十種安
心決定不退無退失理今此經文爲明何義
爲欲顯示十住菩薩發心住淨心地中廣
大善根故決定不退失理今此經文爲明何義
經中作如是說十種定心非退非進非來非
去非出非入圓滿萬德無所闕失是故說言

自然住心今此經文爲明何義爲欲顯示十
住位中果德已滿更無所進復無所退自然
常住無闕事故五者菩薩瓔珞大本業契經
中作如是說諸善男子若一劫二劫乃至十
劫修行十信得入十住是人亦時從初一住
乃至第六住中若修第六般若波羅蜜正觀

現在前復值諸佛菩薩知識所護出到第七
住常住不退自此七住以前名爲退分今此
經文爲明何義爲欲顯示勸策下劣懈怠衆
生爲令增長勇猛心故今此論中且據本業
而作會通應審觀察如本如修多羅中或說
有退墮惡趣者非其實退但爲初學菩薩未

入正位而懈怠者恐怖勇猛故故已說通契
經文決疑門次說讚歎發心功德門此門爲
明何義爲欲顯示發心菩薩遠離二怖畏其
心決定不動故云何名爲二種怖畏一者下
生怖畏生下劣道極怖畏故二者上生怖畏
聞殊勝境界其心怯弱極怖畏故離此二怖是

故名爲發心功德如本又是菩薩一發心後
遠離怯弱畢竟不畏墮二乘地若聞無量無
邊阿僧祇劫勤苦難行乃得涅槃亦不怯弱
故以信知一切法從本已來自涅槃故者即
是總結二種功德之目錄焉從上已來信成
就發心決擇分已焉自此已下種種諸門文

相明故不須重釋

釋摩訶衍論卷第七終

